

鈴山堂集

鈴山堂集卷第六目錄

詩

晨觀風洞登疊綵樓歷拱辰亭亭爲鎮守傳中
貴所創巖巒奇聳千里在目諸巡院有詩予
輒次韻是日介行登賦不盡興也

題風洞

題虞山廟

虞山宴別

二首

暮次靈川懷寄大叅師舜憲副天益二鄉文
除夕全州少司徒梅軒將公邀集少傅敬所公

之兄也致政官傅張公涇川在座有詩次韻

二首

全州歲夜

元旦全州行慶禮

元日燕官傅涇川公第用韻

拜謝涇川公見贈

附錄贈詩

發湘江

石期驛逢李明府

早齋與計使君泛湘江遂登望嶽亭觀武侯廟

新成二首

予少孤多病恒有憂生之嗟今年四十矣日月
于邁祿不逮養學未有聞使經衡山適蓮初
度矢痛申情爰成茲詠焉

三首

歸次醴陵

慧力寺

移疾慧力方丈呈郡中諸君子

不寐

夜至太平觀

二首

陳節推父在南昌寄贈

贈陳侍御原習

郡內逢春

盧洲宴集值雨贈羅使君

過雙龍寺

山行贈仁甫 二首

寄仁甫

題黃氏池亭

雨望

贈張秀才

春日遊石乳洞

遊洪陽洞

彬江羅使君宴別

師儉堂

雙谿

題龍封君願貞卷

蕭氏鳳山別業

郡學羅守新建樂請予觀賦

閱武亭置酒

曉登春臺二首

和唐侍御晚登春臺

曉登春臺用韻

惠上人房

夏夜府公辱過

酬羅使君仰山之招

鈴山夜別簡侍御得寬字

湯春書院唐朱二侍御邀集

薛樓宴集次汪戶部希會是日出師捕安義之

寇

夜登明遠樓同王陽明中丞唐朱二察院

龜峰寺

上巳玉山集

塔山壑

自西湖入靈隱上天竺

嘉興三塔寺留別朝儀子謙二使君年丈

虎丘寺侍少傅守谿公遊奉次高韻

東平遇雨

蓮花旋舟泛

盧溝橋

憶鈴山寄溪亭明府

南京戶部後池雙蓮同幹大司徒王公邀賦

鈴山堂集卷第六

詩使客葉

漁石唐龍

升菴楊慎評點

晨觀風洞登疊綵樓歷拱展亭亭爲鎮守傳中
貴所創巖巒竒登千里在目諸巡院有詩予
輒次韻是日介行登賦不盡興也

孤亭絕嶂倚南天碧樹蒼崖共莽然八桂雲山供作
賦群公尊俎坐籌邊嚴城鼓角傳清曙落日帆檣出
斷煙王事未能窮勝覽北風搖檝下湘川

蒼茫寒霧起遙天歲晏憑高思渺然夜發仙槎南斗
外春瞻御座綵雲邊湘源水色浮晴雪桂嶺花枝拂
瘴烟莫恠題詩惜幽賞子長竒興在山川

題風洞

寧知巖洞古平臨闌闌中梵閣開丹鷲仙梯躡彩虹
遙峰晴吐霧陰磴靜含風安能賦招隱來扳幽桂叢

題虞山廟

重華千載後遺廟在南夷絃想薰風奏庭思鳳鳥儀
斷碑苔蘚合幽洞薜蘿垂髣髴仙駕乘雲度九疑

虞山宴別

臘二十五日發桂林方伯何君珊憲使宗君重天
叅彭君夔憲副張君祐陳君衍獻都帥戴君儀王
君繼善借錢虞山廟之南薰亭上既謁廟乃宴乃
往觀于廟後之韶音洞既醉賦詩留別諸君子

山隱韶音洞江橫舜帝祠旌旄動出餞巖石借題詩
客路春梅色湘洲碧草辭都忘去程暮留賞更傳卮

二

贈言紛授簡祖席迴臨城奉使憐遐域群公荷別情
灘波經地險桂樹向冬榮勝會知難再相思一寄聲
暮次靈川懷寄大叅師舜憲副天益二鄉丈。

天南歲晚更依依朔雪寒雲遶樹飛投館驚看風土
異臨觴悵惜故人違情同灘水仍西注身似春鴻向
北歸想見郵亭頻駐馬獨吟千嶂已斜暉

他鄉相見故人稀聽唱驪歌欲濕衣數酌猶臨碧水
坐兩輿空指暮林歸池臺月浸薇堂影繡斧霜傳桂
嶺威長路題書祝餐飯壯圖勲業莫相違

除夕全州少司徒梅軒蔣公邀集少傅敬所公
之兄也致政宮傅張公涇川在座有詩次韻

二首。

除日他鄉倍憶家聚星高會轉宜誇能堪黃閣留

席正蘋清尊遺歲華青蔥色凌階下雪玉梅香破臘
煎花烟霜旅棹催晨發已報春風動水涯

臺閣勳名重帝家不因榮盛有矜誇那知守歲逢
椒頌却喜登堂咏棣華吟就謝池憐夢草醉歸唐苑
憶看花履端更有明朝慶皇澤春陽總未涯

全州歲夜

殊俗聊相值空堂誰與同燈明深雪裏歲盡漏聲中
野暗孤城柝庭高古樹風頻年遠爲客此夕意何窮
元旦全州行慶禮

燎火通宵設軒車拂曙來
尾隨雙節動雪映百廬開

全上九十一
三六二
聖壽齊嵩華春陽編草萊翠華天北極應指塞垣回
元日燕宮傳涇川公第用韻

午橋來訪晉公家重德高名豈浪誇開逕竹松便逸
隱登堂山水占清華宜春總換桃符帖趁俗先傳彩
勝花願借栢觴增五福直從滄海詠無涯

碧潭青嶂遶千家風景直堪對客誇海內衣冠尊洛
社天南旌節駐皇華春從陰谷潛回律雪應豐年密
作花他日勝遊那可再繫帆重醉粵江涯

拜誚涇川公見贈

曾隨玉署瞻先達愧謁龍門已後時往事殷勤勞

誰非才流落負心知湘山夜雨 觴父灘浦春波
棹遲別後雙魚難定覓但吟佳句一相思

附錄贈詩

并序

涇川病叟張深

回首玉堂天上遊驚看玉樹過南州登科豈必傳三
唱受卷曾知讓一籌館閣栽培他日地文章經濟古
人流湘山夜雨皇華驛傾倒能令老病瘳

編修嚴君維中弘治乙丑進士是科予爲受
卷官見其制策驚人擊節稱賞既而不得預
一甲之選爲之扼腕大息往事不足深究予
謂乘除物理之數君所就當未可量書此識

贈以爲後來左券云

發湘江

人日移舟湘水岸東風吹浪散寒陰城邊栢葉留春
酌沙際滄浪清客吟烟林小逕通漁浦石壁迴谿暎
竹林時向舟人問佳境前程幾處費登臨

石期驛逢李明府

清苦東安令心期得共論官看銅綬貴貧惜布袍溫
野樹依巒嶂春江對驛門天涯一攜手風雨送離尊
早霽與計使君泛湘江遂登望嶽亭觀武侯廟

新成

倚棹江天豁，移尊草閣幽。
到窻分嶽翠，當檻瀉丞流。
春至花經眼，秋深月滿樓。
使君時對客，詩興遶滄洲。

二

川接沅湘會，城臨棟宇開。
武侯今寂寞，公爲掃莓苔。
世遠懷龍卧，江春識鴈回。
天涯山水郡，落日進餘杯。
予少孤，多病，恒有憂生之嗟。
今年四十矣，日月于邁，祿不逮養，學未有聞，使經衡山，適遘初度，矢痛申情，爰成茲詠焉。

婉孌爲童子，父母不暫離。
出門十顧望，恒恐兒寒饑。
受氣素薄弱，旣長猶尪羸。
多疾貽親憂，焉保黃髮期。

庸知四十載，老大生髭鬚。中朝玷榮祿，出使萬里歸。
公廚飯白粲，文錦褰華衣。衣食豈不美，親養弗可追。
初度臨茲辰，愴惻有餘悲。海波逝莫回，悲傷竟何爲。

二

飭駕辭桂嶺，弭棹越江湘。我行幾何時，已涉萬里疆。
萬里豈漫遊，王命肅所將。咨詢徧原隰，登眺窮崖岡。
聞昔太史公，足跡好瓌竒。東遊探禹穴，南浮踰九疑。
山川激壯氣，一以昌文章。報予誠薄陋，懷古意慨慷。
男子始生朝，弧矢懸門堂。眷言四方志，豈必懷故鄉。
曉彼孤黃鵠，矯翼翺雲天。嗚呼！嗚呼！下燕雀空翔。

三

弱齡不量力高視慕前儔學道思理人洗心念寡尤
奄忽踰四齡此志但悠悠聰明異前時行業不加修
抱冊時呻吟寧免遺忘憂雕蟲技何補食粟顏堪羞
中夜起長嘆反躬時內省宣父戒無聞漆雕慙未信
勲業弗及時白髮忽生鬢嗟彼萬里道中途可旋軫
願言加餐飯努力桑榆晚

陽日三首
有古選風

歸次醴陵

悠悠駐雙騎翼翼抗前旌雲物媚清旦山水映孤城
平野楚烟碧高峰松雪明客愁渾欲失已入故鄉程

慧力寺臨江

古道蒼松轉重洲碧水連橋傳伏馬地臺憶讀書年
客舫平沙倚禪燈夕嶂懸馳驅愧塵鞅棲息歎何緣
移疾慧力方丈呈郡中諸君子

時有寧藩之變

城市誰能此地遊石堂禪榻借深幽藤蘿月上諸峯
靜樓閣風迴古木秋病身偶似維摩室客思應同王
粲樓已惜浮萍自流轉却扳叢桂更淹留

漫懷陶謝與同遊悵惜青山古寺幽江縣羽書頻報
警石門蘿薜自宜秋孤城片月聞吹角落日千峯對
倚樓瀟水驛亭舟楫地異時尊俎記相留

不寐

羽檄連宵至，徵兵列郡聞。
乾坤迷戎馬，雲日更炎氛。
食祿寧辭難，臨危好策勳。
燈殘僧閣夜，孤枕百憂紛。

夜至太平觀

暝色山徑入，鐘聲林杪來。
道人驚客至，燭下松門開。
瑤席凝芳篆，琳館絕浮埃。
塵襟藉消豁，天明車騎催。

二

群仙朝上帝，高居儼太清。
玉池泉不涸，玄圃樹長榮。
劍作蒼龍躍，笙同彩鳳鳴。
倘因值靈藥，此地問長生。

陳節推父在南昌寄贈

郡閣蕭條晝掩扉，
窗中林岫待玄暉。
東湖亦是桑乾水，
應望袁山日憶歸。
唐曰見之

贈陳侍御原習

木落歲年晚，空江忽到公。
世途千轍異，高論一尊同。
懷玉幽人志，纓冠國士風。
重溟隔南紀，瞻望渺行驄。

郡內逢春

春日春臺宜引望，
萬家城郭慶春新。
彩旂花勝巧隨俗，
栢葉梅枝清傍人。
離離雪樹開晴旭，
冉冉風烟度野津。
還沾郡邸賓筵醉，
轉覺鄉園物候親。

廬洲宴集值雨贈羅使君

名園邀客綠尊開紅旆行春五馬來江道渡
席山寒霧色隱樓臺庭中翠蔭延修竹林下幽芳折
老梅爲報青陽布新令滿城甘雨使車回

過雙龍寺

入谷嵐霏重開門松寺深灘流萬木罅蘿擁衆峰陰
溪鷺仍寒浴潭龍或夜吟楚地多風雨春山不可尋
山行贈仁甫

萬峯雲度壑孤寺雨鳴溪馬渡溪前水疑憐錦障泥

二

共宿東窻下中宵雷雨聞風塵遲雙劍好爲拭龍文

寄仁甫

篁木翳深嶺，獨行千嶂間。
溪山正奇絕，霖潦倦躋攀。
聞子渡前壑，日暮臨河還。
相思阻幽夢，一夜雨潺湲。

題黃氏池亭

黃生池閣清，獨宿怡我情。
高窻延霧色，曲澗遶泉聲。
鄰里間能過，鷗魚近不驚。
永學溪中釣，寧求世上名。

雨望

高樓集飛雨，半入空濛間。
梅痕低暎水，前暝依山
境寂渾饒睡，杯深忽破顏。
五嶺愁難望，中疑翠巖。

贈張秀才

吾愛張明府承家不乏賢芳蘭臨謝砌白璧照藍田
暮雪明書幌春鶯對別筵天池待鳴鳳綵翼看騰翥

春日遊石乳洞

躋險遶靈室賞勝得仙谿紫泉飛作雨玉髓積如泥
暫駐心寬爽亟重尋巖逕迷擬結丹霞想來從靜者棲

二

地隱林巒秀春餘草木芳古巖宜置酒清溜忽霑裳
有象名難具無言趣轉忘未云歡賞罷歌吹送殘陽

遊洪陽洞

二仙何代隱巖阿澗綠山青長薜蘿塵世總經桑海

金山集 卷之六
變丹丘長占水雲多天台到擬逢桃實石室歸疑爛
斧柯思向此中尋靜侶因牽俗累欲如何

彬江羅使君宴別

乳洞初旋蓋郵亭復此延夜歌臨浦月春賞寄雲泉
賓從滌山醉風流峴水傳所嗟牽遠役安得重延緣
師儉堂

山泉野飯聊今夕金谷銅駝非故時隨緣自有數椽
足題儉真成一字師

雙谿

宛似名山入武谿
花源仙艇記還迷
春圃剪蔬逢客

至午憲九藥聽鶯啼

題龍封君順貞先生

學道人未識端居遺俗口紛靈龜導真息玄豹養深文
履坦自多古逃名世却聞當時讀易處幽室灑蘭芬

蕭氏鳳山別業

卜築傍幽深烟霞費遠尋窻喧石磻水蓋落翠峰陰
巢鵲依新主谿花發故林應招白雲侶終日伴閒吟

郡學羅守新肄樂請予觀賦

揭聞金絲奏洋洋費舍中跡類觀周廟神疑遊澤宮
徵師來獨遠享聖禮攸崇茲郡慙遐僻居然舞魯風

偉哉賢守化不羨蜀文翁

閱武亭置酒

山擁賓筵翠城圍將壘
回霜天清鼓角雲日麗
旌旄箭迅穿鴻鵠杯香
擘蠓蚶取醉自茲別臨
岐贈寶刀

曉登春臺

首尾清典
樓閣山寒裏肩輿衝曉
來仲冬群木下初日萬
峯開平野何寥邈層城
亦壯哉予心慕竒勝欲
別更登臺

二

山暝烟嵐合城高睥睨
齊攀躋興不極曠望意
還迷風壞荆吳際星文
翼軫西遺祠深木裏來
客拜昌黎

和唐侍御晚登春臺

春臺夕上興猶奇
落木蒼蒼白日遲
行傍逕梅詩自好
坐看松嶂榻頻移
江城攬纒霜威迥
山閣開尊月色宜
莫爲浮雲望天際
恐增愁思倚闌時

曉登春臺用韻

翠嶺烟開楚望奇
綠江天盡鳥飛遲
松杉覆郭冷風起
樓閣當空淑景移
巖樹故因時序改
山雲豈與俗情宜
雙峯寂寂應相對
悵憶高人獨往時

二袁山漢高士袁京

居所

惠上人房

絕壑聞流水香牀住半天林間飛蓋入松下看雲眠
谷鳥知春候墨花識靜緣冥心遺所適豈必定中禪

夏夜府公辱過

山月照庭際如傳松桂神到門銀燭遠常席錦袍新
自惜迂踈舊多慙寵顧頻荒居寡承奉小酌愧情真
酬羅使君仰山之招

開緘見月生幽思清曉雨聲翻屋來千峯古木啼猿
處空憶題詩坐石苔

鈴山夜別簡侍御得寬字

柱史來天上相過坐夜闌霜威清斲假月色好同看

晨渡河水壯春浮楚澤寬臺臣網紀地送子見才難

陽春書院唐朱二侍御邀集

逆藩故官也

陽春院裏花仍發不飲其如春色何高臺曲沼人能
到遲日濃烟景自多猶憐綠水飛鴻鴈更著蘭舟採
芡荷章都昇平異前日時邀聽馬一相過

薛樓宴集次汪戶部希會是日出師捕安義之

寇

城外章江碧草春城頭高閣綺筵新野航受客還依
渡江燕穿花不避人山川南國登臨在今古浮雲感
慨頻戰舸眼邊連夜發捷書早報放吾輩

夜登明遠樓同王陽明中丞唐朱二察院

迢夜蕭已靜朗月照重湖風窻倚天漢星嶠臨蓬壺
的的徐亭樹寥寥霜暑烏微言歡欲奉清賞未云徂

龜峰寺 弋陽縣

森森蔭水栢冥冥入山烟始驚靈境絕忽步翠微先
異狀群峰出幽探萬慮捐心期駕鸞鶴從此問真仙

二

鳥鳴芳樹暗雲度碧峰陰春益林巒秀山圍洞壑深
青蓮窺色相綠竹動謳吟人世那逢此丹谿一一臨

上巳玉山集

巖嶂何盤鬱汀洲復渺綿江深迷草樹林霽淨風翻
蘭葉修春禊楊花對別筵不醉河陽酒愁心益惋然

二

懷玉今辰到官亭憇晚晴連山雨渺渺獨樹花盈盈
對酒三春暮離家一月程舊窓園木暗惆悵忽聞鶯

塔山望

玉山縣

初聞流泉響漸入深林間靈峰窺寶塔竹徑款禪關
掩曖花覆谷空濛雨映山回看萬壑裏雲霧渺人寰
自西湖入靈隱上天竺

蘇橋初進艇靈峰忽振衣三竺開丹鷲諸天在翠微

金山集 卷之三
三
一
澗水浮花片松磴鎖烟霏
屈折巖扉到蕭條苔徑歸
藉草還留酌聞香頓息機

嘉興三塔寺留別朝儀子謙二使君年丈

三塔移舟望若仙
穹林翠壑俯江烟
鶯花對酒城春

響鐘梵登樓海日先
世路無端頻送客
空門不礙擬

逃禪與君又是燕
吳別衝雨開帆各惘然
寺園有先照樓

虎丘寺侍少傅守谿公遊奉次高韻

禪逕香臺訪碧山
玉堂黃閣奉台顏
乍揮藻翰花爭
麗又脫朝簪鶴並閒
林下看雲松影靜
巖邊着屐藪
痕
穿明仙舸中流坐
瞻送宮袍月下還

渾清透迤草樹重上方臺殿隱孤峰清輝養吐兵城

月虛籟寒生梵院松窓瞰浦雲宜引望石留僧講謾

遺蹤移舟更欲歸城市惻悵青山日暮鐘

山麓有廟名千頃

寺前千人石
生公說法處

東平遇雨

急雨來東郡蕭蕭亂入雲禱祠諸路見亢旱一春聞

風疾吹疑斷天高灑易紛都饒萬民望吾亦洗炎氛

蓮花淀舟泛

雄縣

沿洄洲渚異演漾水雲空綠荷初冒日青蘋解起風

呖鶴橫天迥砥鷗炯雪同會意聊自適望美轉難窮

盧溝橋

逝波興行客同汨汨無時休古漢視蟠明積雪虹飲巨長流

曉月迷征騎春沙壓弊裘經過道傍寺喝思且淹留

憶鈴山寄溪亭明府

小逕升堂綠檜長翠屏終日對鈴岡丘園物色開開
在朝市風塵事事忙尚憶琴尊同笑語最憐風雨發
舟航朝來馬上逢鄉使爲寄新詩當八行

南京戶部後池雙蓮同幹大司徒王公邀賦

朱夏尚書省池蓮表異祥絳葩開並蒂青乳結連房
曉夢紅雲屢披翻翠蓋長文駕紛比翼振鷺儼分行

引類何猜妬。凌波故韻頑。靈妃泛湘浦。趙女入昭陽。
照月平分影。迎風倍有香。瑞呈鮫室外。盛過鯉湖傍。
早曠憂方劇。芬敷理詎常。氣和占聖世。地重切公堂。
嘉木歆連理。靈芝頌九光。予慚職歌頌。留賞濫華儲。

金上... (illegible)

金山堂集卷第六

鈴山堂集卷第七目錄

詩留院集

初拜留院少師相公贈詩用韻拜酬

奉酬汪石潭宗伯

奉酬翟石門兄

夕次潞河懷寄館閣僚友二首

奉迎 慈聖歌

東昌驛下逢少保鵞湖相公赴召敬抒贈賀

德州董子廟

翰林齋宿

汪司成學省齋宿寄贈

禱雨曉出神樂觀

欽佩南原草堂集別

黃伯固奉表入賀錢以是詩

張子常甫自翰林出督學旋以病告寄贈

新作院署之堂汪司成先生有詩用韻和酬

和郭司業官舍閒咏

酬和少宗伯汪先生省中步月見懷之作

石潭先生榮進吏侍兼副史局用韻酬贈

送王中丞赴石

贈林大理茂貞

楊侍御使蜀

待月集宗伯鳳山邸第

送禮侍吳公赴召

蔣戶侍省墓送贈

贈邵僉憲

奉送司寇趙公入覲

贈寇京兆

贈邊太常黎銀臺北覲

暮春神樂觀錢方使君

贈少司寇胡公赴召

贈太宰羅公歸省

大司馬廖公致政

贈楊月湖先生

寄壽少傅遂翁先生

大宰楊公考績送贈

送司徒秦公入朝

觀雪登清涼山餞茶司徒

送魯給事之江西

贈寇都憲赴

送邊都憲召掌北臺

顧山人壽詩

朱潤軒壽

徐氏東園觀梅

喜雨二首

喜雨和胡都憲

喜雨和汪宗伯

喜雨和秦宗伯

喜雨和郭司業

贈友

簡尚賓將歸賦贈

贈葉刑部

吳司空舊家嘉魚有東湖徙居蒼梧作東湖書

院命予賦

題羅太守畫

聶君持梅雪卷請題走筆贈之

無錫茹氏惜陰樓其先世所創民澤請題

酬陸司業見寄秋懷之作

登金陵觀音山

和顧東橋憲長遊天界寺之作

寄壽高仰峯先生

蔡氏濬永阡

鈴山堂集卷第七

詩留院

漁石唐龍

升菴楊慎評點

初拜留院少師相公贈詩用韻拜酬

金鑿石題名天開玉署晴雲覆禁槐薦賦敢晞文似
三
帝俞哉鴻鈞播物寧論德豹管窺斑却
歌喜起五星重聚鳳凰來

奉酬汪石潭宗伯

八
高齋禮紀攀兩朝清望重於山招延雋老皆登

用補量非才合置閒駑駘豈復思千里廣廈終期庇
萬間誰意用儒逢世理一尊相屬重開顏

奉酬翟石門兄

春明別棹問南京誰道若猶羨我榮戀闕已瞻紅日
遙云信仍喜玉堂清鳩巢計哂經營拙魚飯心憐去
住要十七年中同宦侶細論離合倍關情

夕次潞河懷寄館閣寮友

朝遊燕臺上夕宿潞河濱空洲牽積水廣陌足流塵
情憶離尊滿年傷別袂頻玉署星辰近金闕月露新

虛憐添朝籍文館廁英寮
蘿施華松栢葭倚接瓊
鳥有同栖樹魚憐獨上潮
江海參辰隔流盼極春宵

奉迎 慈聖歌

綠水雲搖帳殿開龍艘
日照錦帆來千盤玉膳分
船進百騎銀璫奏御回

御氣金門起鸞蟠至尊當殿候
鳴鑾玉食直移九州
養龍樓長奉萬年歡

濮園議禮伸輿論代邸崇恩本聖情
正陽文母遵門
入五鳳英皇却輦迎

是禮官議
文母從東安門入

御批從正陽中門
上出迎至午門

東昌驛下逢少保驚湖相公赴召是日大行人

齋勅迎勞適至敬抒贈賀

直道誰云竟忤時如公親結九重知大賢出處關朝
運聖代謀謨重鼎司龍紙纔開天咫尺使輶重遣路
逶遲試論再入中書事文呂于今復見之

路公文穆也

德州董子廟

董生讀書處寂寞臨高臺門牆窺孔室編簡拾秦灰
業守三餘積宮存一畝開墨池春草遍園木晚禽來
獨有賢良策人稱王佐才

翰林齋宿

郊禋元歲盛，聲明玉署深。寒宿舊京長，樂聽鑾天已。
遠鍾陵對雪，夢猶清池頭。星斗歸環珮，城上風雲颺。
旆旌鷄侶此，時皆侍從綵毫春。色賦初成。

汪司成學省齋宿寄贈

清宵琴鐸靜，齋廬悵望無。因奉起居寺，近獨吟孤嶂。
雪燭明親校，六堂書雲中。比翼瞻鴻鴈，河畔開絨憶。
鯉魚漸擬謝池春，草發清詩幽夢復何如。

禱雨曉出神樂觀

燈火嚴城啓樓臺，祕苑通精明石壇。月淒斷栢林風，
望極仍延佇。憂深尚蘊隆，瓣香勤祝史。何以格皇穹。

欽佩南原草堂集別

梁苑乘驄馬秦淮掩竹扉因憐奉丹詔不得羨荷衣
古屋秋山近清池夕鳥飛故人從此去吾至欲何依
黃子伯固昔爲兵部郎官率同列諫止巡幸被
杖斥歸今上登極起爲南京大理丞奉表
入賀餞以是詩

明到鳳樓聽漏日漢儀重覩淚堪垂伏蒲舊侶誰同
在薦藁芳名帝獨知驂駟逸步詣長道鷓鴣崇班戀
赤墀憑將金鑑千秋錄爲獻南山萬壽卮

張子常甫自翰林出督學旋以病告寄贈

登朝與子最情親
院宿郊遊事已陳
蹙失鳳池官自好
重歸山逕業猶貧
遍栽松菊疑真隱
且廢謳吟惜病身
燕乳蝶飛烟草綠
相思難寄秣陵春

新作院署之堂汪司成投贈佳篇用韻和酬

偶鋤荒圯得清深
更置芸編對素琴
涼吹瀉軒翻竹韻
朝陽臨砌捧葵心
高依鳳闕知天近
淨掃蛩塔與月侵
幸有大賢携晚進
文觴幾度愜幽尋

金鑿西畔玉堂深
鳳沼雲泉滴暗琴
已藉典謨開駿業
更留烟月寄閒心
池栽脩竹藏鶯語
亭覆荒碑見薜侵
牛渚故逢仙子問
桃源不遣世人尋

和郭司業官舍閒咏

堦西衆山處重到有餘情地近名賢宅庭栽古栢成
夕嵐迷疊嶂秋雨過高城最愛攤書坐窓燈映竹清

大宰羅整菴昔居此有所植相存

二

前日瀛洲侶同來白下居真能忘爾汝時復到堦除
魚筍供常宴朱鉛校古書南都官况僻髮免聽朝車

三

池寬新雨後山翠夕陽時秀句無心得幽懷只自知
暮鐘來古寺秋槿徧疎籬欲踐移尊約新涼月色宜

酬和少宗伯汪先生省中歲月見懷之作

南宮風露溢清寒，華月當窓轉玉盤。
始信仙蹤隔塵土，漫憐浮世有悲歡。
茶烹石鼎分池雪，香蕪金鑪和澤蘭。
忽荷雲章寄瓊署，欲携春興伴花壇。

夜深高咏在虛亭，無奈蟾光影竹青。
對樹棲鴉眠自在，倚城更柝語丁寧。
歌餘白雪翻瑤瑟，興入滄洲拂畫屏。
人事故逢清景少，賞心長爲碧雲停。

石潭先生榮進吏侍兼副史局用韻賀贈

鳳日龍霄近欲攀，仙蹤元只在蓬山。
盡誇榮寵從今盛，長擬門庭似舊間。
羣才總屬陶鈞地，一字猶嚴袞

芥間當日相從今遠別玉堂涼月夢清顏

送王中丞赴召前在豫章有平難之績

繡斧清霜避樓船綠水開風雲千曆會麟鳳衆賢來
投老仍嚴召當途賴上才向來籌策地投檄淨烽埃

贈林大理茂貞

爾別河橋繫我思柳枝攀贈綠烟絲中興奏議看前
輩南國聲名重棘司今古祇應榮節槩 聖明吳魯
負恩私明庭此去觀夔契好續徂徠聖德詩

楊侍御使蜀

江草萋萋江水長使軺聞欲度瀟湘開帆夜坐星

色載筆春吟杜若香
綵繡過家非舊服
皂囊還闕
新章西州五月無炎暑
應避青驄滿路霜

待月集宗伯鳳山邸第

風梧翻夕籟
雲葉漏輕光
東林初上月
華館更留觴
寅清欣務簡
宴語接宵長
方占德星聚
復咏棣華芳

時公弟
初至

送禮侍吳公赴召

文昌星彩動南宮
徵拜三卿寵數宗
承旨故隨宗伯
後致辭初入謝班中
披雲近覩長安日
擊水高搏渤海風
朝省事頻聞日少
回看烟月憶江東

蔣戶侍省墓送贈

楚江秋潦淨巴嶺夕雲重烟鳥隨孤舫鄉山到萬峯
窓園餘舊菊墟墓長高松國計遙相待期君隔歲逢

贈邵英憲

幽蘭閔芳馨白璧懷堅貞端居不踰閭奕奕當世名
剡薦馳雲陛鶴書責柴荆直道昔忤時今爲士所榮
始感白日照親見黃河清恭翼承皇命慷慨發脩程
馳車列城避鳥道千峯行水郵經楚甸海嶠浮昆明
飲水徇苦節擊隼蜚英聲揮手自茲別許身良不輕

奉送司寇趙公入覲

蒼公得句鏘鳴球司寇引杯登綠舟金函奉表江東
發銀漢乘槎天上遊六月滄洲不知暑夜泊風烟渺
何許遠勢斜分清泗流新京阜入長楊樹羨公懷抱
有餘清臨流見月幾詩成調高白雪誰同和行愛青
山自問名公今去國已經時星履重來上赤墀阜陶
淑問持邦憲閱道清忠結主知純皇當日擢羣
英三十餘年並列卿廟堂正藉經綸業江海猶傳水
蘗聲

贈寇京兆

宦情鄉思渺難裁
悵望春帆帶雨開
芳草不堪頻送

金山集卷之三
客暮雲何處獨登臺閭閻解說循良政廊廟元須卓
異才借問府中林館勝棠花應候使車回

贈邊太常黎銀臺北觀

兩卿南國望同上赤墀行接羽鶴鸞貴論言玉雪清
冠裳臨偉饒風雨發嚴程遙羨川途興新詩幾許成

二

莽莽龍河雪雙帆幾日開亦知從此別已是隔年回
珂馬春城並衣冠曉仗催驛亭梅柳色來往送行杯
暮春神樂觀餞方使君

登臨南郭久相期忽漫看山是別時童子正宜春服

咏使君莫爲一尊辭林中坐石焚香靜花裏穿雲地
洞遲欲贈美人無縞紵石壇折取古松枝

贈少司寇胡公赴召

秣陵佳勝幾招邀公去風騷歎寂寥耆俊總登台鼎
地乾坤今覩聖明朝鷗鵬擊水辭瀛海鶴鷺排雲上
紫霄黃花送酒期留醉滄浦鳴榔惜去遙

贈太宰羅公歸省

寧親詔賜驛舟行祖席南都盡列卿裴宰重名懸水
鑑秦公家範列簪纓日臨化國春逾永星映澄江德
共明已報遠書傳勿藥要知虛席待持衡

大司馬廖公致政

兩都清望許誰先，留鑰恩深遽引年。
陵路曉辭松罷雪，江船春坐水連天。
山林歲月從今得，編簡勲名與世傳。
舊里龍灣草堂勝，手栽松菊故依然。

贈楊月湖先生

塵外高蹤何處尋，白雲依岫鳥歸林。
才於濟世施難學，爲逢原得最深。
獨抱韋編閒自註，靜觀庭草坐長吟。
門牆已隔春風地，江漢徒懸北斗心。

寄壽少傅遂翁先生

朝望重經綸，地五畝情怡。
水竹間天下，正須安石。

起洛中猶放凍翁閒詩尋丁卯橋邊宅丹放金焦寺
裏山毬馬燁如尊俎勝隱園高會渺難攀

大宰楊公考績送贈

相業當朝文敏最直看家學到今公笏牀經笥傳何
遠岐鳳郊麟瑞本同政以經綸歸重望久知清白振
高風國恩世受何爲報多在山公啓事中

送司徒秦公入朝

劍履乘春上玉輝梅花度臘送行卮承明宣室元相
待鷺淑鍾陵無到時江上流移何日少眼中經濟屬
公宜東曹齋閣松陰在幾借爾籌退食遲

觀雪登清涼山餞秦司徒

巖壑風烟積樓臺氣色寒
祗園最高處飛雪更宜看
鶴近瑤空舞花依綺席漫中臺
趣嚴石南斗寄餘歡

送曾給事之江西

送別逢春望轉迷柳條紫綠草新齊
回看紫禁烟霄上獨宿征帆楚水西
事往不堪聞戰伐憂分行可慰
黔黎城邊高閣臨江在間對山雲續舊題

聊寇都憲赴鎮

上谷風烟鉅鎮開雄關疊嶺鎖紫迴
山川故識鸞輿幸戎落新驚繡斧來
旃牧總叨明聖力保釐多倚憲

臣才秋城落日烽塵靜倚劍遊登萬里臺

送邊都憲召掌北臺

詔書宣召北門歸戀關懷鄉願不違行愛雲山過舊
里步紆星履上彤闈朝廷正倚臺綱重天日長瞻帝
座輝雄峻古稱一獨坐百寮回首避霜威

顧山人壽詩

最憶蕪城車馬地草堂花竹淨風烟地偏塵市同真
隱貌古衣冠似列仙清愛碧簫吹海月靜看玄鶴舞
芝田綠蒲青艾俱生色歲歲開尊今日前

朱潤軒壽

仙鄉獻壽逢新歲同里相過總近親行樂不妨時序
改交驩惟有酒盃頻化橋燕能留客對水看山不
負春聞說揮金多義事江城無恨待鋪人

徐氏東園觀梅

東閣開筵雪樹春主情花意共清真似憐標格初經
眼自識芳香久襲人驚鶴故移天上種珊瑚不受世
間塵習池賓客俱名勝雅尚從知德有鄰新可清

喜雨

南國夏無雨鍾山朝出雲精虔三日禱甘澍萬家分
野愛商羊羽池憐蜥蜴羣康衢今日頌一飯是吾君

卧聞清雨至蕭颯浣煩襟開軒進荷氣閉院靜鷓鴣
鳳沼流泉細彤樓隱霧深隱几聽脩竹何異在中林
喜雨和胡都憲

沾席敲窓慰客心院池新水坐來深煩襟正解塵中
渴好事如聽谷裏音霏霏總隨和氣洽蕭森時逐遠
風沉天公只借須臾力明日郊原看綠陰

喜雨和汪宗伯

悵望星河作夜晴曉聞零雨度高城乍迷雲岫氛氳
合亂入槐軒浙瀝鳴正有清涼破炎毒可無新句答

高情郊原明日堪攜酒自喜吾兼吏隱名

喜雨和秦宗伯

焦枯何計訛吹噓一雨全勝萬斛珠看舞商羊應得意聽鞭蜥蜴最憐渠涼開竹簟眠方穩日飯盤蔬味自腴志喜有詩傳畫省巴人慚和郢歌餘

喜雨和郭司業

入秋忽聽翻江雨長夏空瞻落檻雲頓失塵熇淨如洗乍迷山翠杳難分民情正望倉箱富神薦猶憑黍稷芬更喜清涼慰幽獨簡編遙夜坐膏焚

贈友

大江渺千里金陵麗五雲在棹特垂訪念子意何勤
久客懷故知相見各欣欣且復話鄉邑不厭窮朝曛

二

留都羅群署詞林最蕭闌古屋蔭槐栢時見簷前山
圖史紛座隅披翫豁心顏與子坐永日清風竹珊珊

三

詩感慨源謝之間
北風吹層波高帆疾於馬矯首望雲山日夕到鄉舍

親友慰遠歸春杯正堪把故園多所歡薄宦何爲者

簡尚賓將歸賦贈

相留忽是一年期落葉西風話別時賓館寂寥寒榻

金山先生集 卷之十 二
在吏情涼薄故人知舟衝霧雨帆飛遠書憶鄉園鴈
到遲明日古槐修竹裏玉亭吟坐復同誰

贈葉刑部

把酒逢宵月登車犯早寒
逶迤涉遠道日夕望長安
霜蹄看驥展風翮羨鵬搏
以我僻居者殷勤懷所歡
遲歸秣陵署高咏對雲巒

吳司空舊家嘉魚有東湖徙居蒼梧作東湖書

院命予賦

問訊東湖第司空此卜居清瀾堪悟道石室可藏書
野綠開裴閣花香引邵車蒼梧轉可勝風景似嘉魚

題羅太守畫

何處林居好移來庭壁間
風泉留噴薄雲霧鎖屏顏
谿憶浮槎到峯疑采藥還
郡齋收印坐知爾飽看山

二

谿山盡瑤素曉霧更宜人
不悟梁園雪虛疑芳樹春
剡舟乘興逸郢曲和歌新
懷君當此夕難澣渴心塵
聶君持梅雪卷請題走筆贈之

驚沙尺書何日傳聶君近
泊金陵船到門覽刺亟出
迂丰度雅樸神脩然書云
此君樂幽尚十年寄跡江
湖邊平生愛梅有真癖梅
雪自號爭清妍瓊姿綽約

種萬本茅屋正在春風前芒屨緩步石逕月拄杖獨
往青林烟有時臨流發孤嘯風致鬢鬢疑逋仙只宜
跨驢學肩聳那復騎鶴思腰纏青蚨沽酒與之醉散
髮岸幘歌青天吁嗟聶君亦不俗揮毫贈爾梅花篇
無錫茹氏惜陰樓其先世所創民澤請題

如翁讀書處高樓名惜陰捲幔燈烟在開軒草帶深
古人勤志業我輩得規箴爲誦陶公傳千秋見苦心
酬陸司業見寄秋懷之作

書囊藥裹鎮吾隨岐路東西豈預期多病祇憐癯骨
在素心惟荷故人知遊魚遠水書難寄碧樹高雲

每邊蒼桼披垣追逐地獨慚虛薄胃恩私

雲海滄茫隔鳳臺兩年剛得一書迴敢將膠漆期君
並莫爲陰晴與世猜往日詩篇常在把幾時尊酒定
重開龍山又是茱萸節珍番登高作賦才

登金陵觀音山

江閣憑虛似幻成綠崖蒼壁有人行波晴日抱鼉鼉
窟天險山圍睥睨城萬里濤瀾爭赴海八埏琛帛盡
朝京誰能不到層軒坐臨水看雲失宦情

和顧東橋憲長遊天界寺之作

素衣不受五塵侵虛谷超遙見此心苦徑客吟猿鶴

靜石牀僧定薜蘿深高賢有意依蓮社開士何年建
鷲林更借玉琴酬雅興欲憑岳草寄幽尋

全
前
括

寄壽高仰峯先生

勲業三朝童年齡八表高名應書汗竹壽及薦蟠桃
天遠冥鴻跡池新綠鳳毛聖明頒異寵賜誥賁林臯

二

鄉里論耆舊惟公五福完壽鄉餘日月憲府重衣冠
老鶴昂仙骨貞松耐歲寒青雲誇令子更折桂枝看

三

昔奉秋堂宴今歌雲海篇追趨懷杖履瞻望禮星羅

臺傍重門近洲分碧水連秣田新報熟歌醉入豐年
蔡氏潛永阡

露草眠牛集雲松弔鶴來黃山開碧嶂蒿里闕層臺
哲士今亡矣高風日遠哉淵源尋舊德梁木歎遺材
不見丘原起惟餘風樹哀諸孫寒食裏日暮莫椒回

鈴山堂藥案第七